



Lukavac:02.03.2023.godine

SLUŽBENI GLASNIK GRADA LUKAVAC

S A D R Ź A J 4/23

AKTI GRADSKOG VIJEĆA

1. Odluka o izmjeni i dopuni Odluke o visini vijećničkog paušala i drugih naknada
2. Odluka o izmjeni i dopuni odluke o osnovici i okvirnim koeficijentima za place uposlenih u javnim ustanovama i organizacijama koje se financiraju iz budžeta Općine Lukavac
3. Odluka o prodaji poslovne prostorije i građevinskog zemljišta u suposjedu i suvlasništvu Grada Lukavac, označeni kao k.č. 2290/3 I 2290/4 bje k.o. Lukavac
4. Rješenje o utvrđivanju javnog interesa broj:01-27-641/23
5. Rješenje o razrješenju članova Komisije za procjenu vrijednosti nepokretnosti i prava
6. Rješenje o imenovanju članova Komisije za procjenu vrijednosti nepokretnosti i prava
7. Rješenje o razrješenju i imenovanju članova Savjeta za bezbjednost saobraćaja
8. Rješenje o razrješenju i imenovanju člana Komisije za jednakopravnost spolova
9. Zaključak za davanje saglasnosti na Prijedlog Odluke o isplati sredstava sa tekuće rezerve Gradonačelnika

AKTI GRADONAČELNIKA

1. Odluka o dopunama Poslovnika o radu Stručnog Kolegija Općinskog načelnika
2. Odluka o isplati sa tekuće rezerve broj :02-11-509/23 od 09.02.2023. godine
3. Odluka o isplati sa tekuće rezerve broj :02-11-668/23 od 02.03.2023. godine
4. Odluka o načinu i kriterijima raspodjele sredstava za finansiranje mjesnih zajednica sa područja Grada Lukavac
5. Odluka o utvrđivanju uslova, kriterija i postupka za raspodjelu sredstava sa potrošačke jedinice - Pomoć vjerskim zajednicama
6. Rješenje o imenovanju savjetnika Gradonačelnika Grada Lukavac
7. Izmjena i dopuna Programa utvrđivanja lokacija za zauzimanje javnih površina



Broj: 01-02-721/23
Lukavac, 02.03.2023.godine

Na osnovu člana 32. Statuta općine Lukavac („Službeni glasnik općine Lukavac“, broj: 8/05 i 1/14), člana 37. Poslovnika o radu Općinskog vijeća Lukavac („Službeni glasnik općine Lukavac“, broj: 5/06, 2/09 i 5/09) i člana 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj: 1/22), na prijedlog Komisije za izbor, imenovanje i administrativna pitanja, Gradsko vijeće Lukavac, na 12. redovnoj sjednici održanoj dana 28.02.2023.godine, donosi

ODLUKU

o izmjeni i dopuni Odluke o visini vijećničkog paušala i drugih naknada

Član 1.

U Odluci o visini vijećničkog paušala i drugih naknada („Službeni glasnik općine Lukavac“, broj: 5/01, 6/05, 1/10 i 1/13), (u daljem tekstu: Odluka), u članu 4. Odluke ispred riječi „iznosu“ dodaje se riječ „neto“, a broj „30“ zamjenjuje se brojem „50“.

Član 2.

U članu 6. Odluke ispred riječi „iznosu“ dodaje se riječ „neto“, a broj „30“ zamjenjuje se brojem „50“.

Član 3.

Odluka stupa na snagu danom objave u „Službenom glasniku Grada Lukavac“.

**PREDSJEDAVAJUĆI
GRADSKOG VIJEĆA**

Suad Salibašić, dipl.ecc.s.r.



Broj:01-02-1793/21-1
Lukavac:03.02.2023.godine

Na osnovu člana 8. i člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 32. Statuta Općine Lukavac - prečišćeni tekst ("Sl.glasnik općine Lukavac", br. 5/08 i 1/14) i člana 39. Uredbe sa zakonskom snagom o ustanovama („Službeni glasnik R BiH“, broj: 6/92, 8/93 i 13/94), Gradsko vijeće Grada Lukavac, na 12. redovnoj sjednici održanoj dana 28.02.2023. godine, donijelo je:

ODLUKU

o izmjeni Odluke o osnovici i okvirnim koeficijentima za plaće uposlenih u javnim ustanovama i organizacijama koje se finansiraju iz Budžeta Općine Lukavac

Član 1.

U Odluci o osnovici i okvirnim koeficijentima za plaće uposlenih u javnim ustanovama i organizacijama koje se finansiraju iz Budžeta Općine Lukavac („Službeni glasnik općine Lukavac“, broj: 6/21) (u daljem tekstu: Odluka), mijenja se član 5. i glasi:

„Osnovica za obračun plaće lica iz člana 1. Odluke iznosi 385 KM.
Iznos osnovice utvrđivat će se posebno za svaku budžetsku godinu.

Član 2.

Ova odluka stupa na snagu danom objavljivanja u „Službenom glasniku Grada Lukavac“.

**PREDSJEDAVAJUĆI
GRADSKOG VIJEĆA**

Suad Salibašić dipl.ecc s.r.



Broj: 01-27-4236/22
Lukavac: 02.03.2023. godine

Na osnovu člana 22., a u vezi sa članom 91. Zakona o stvarnim pravima Federacije Bosne i Hercegovine ("Službene novine FBiH", broj: 66/13 i 100/13) i članom 200. Zakona o upravnom postupku („Službene novine FBiH“, broj: 2/98 i 48/99) i člana 32. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), Gradsko vijeće Lukavac na 12. redovnoj sjednici održanoj dana 28.02.2023.godine, donijelo je

O D L U K U

o prodaji poslovne prostorije i građevinskog zemljišta u suposjedu i suvlasništvu Grada Lukavac, označeni kao k.č.br. 2290/3 i 2290/4 obje k.o. Lukavac

Član 1.

Prodaje se poslovna prostorija i građevinsko zemljište u suposjedu i suvlasništvu Grada Lukavac, označeni po novom i starom premjeru kao k.č.br. 2290/3 zvana „Zgrada“ Upravna zgrada u površini od 26 m² i k.č.br. 2290/4 zvana „Zgrada“ u površini od 30 m², upisane u pl.br. 3768 k.o. Lukavac i zk.ul.br. 2814 k.o. Lukavac, u suposjedu i suvlasništvu „Bosna Niless“ d.o.o. Lukavac i Općine Lukavac sa dijelom od po ½ i to: „Bosna Niless“ d.o.o. Lukavac, po cijeni od 27.326,35 KM.

Član 2.

Po pribavljenom mišljenju Gradskog pravobranilaštva zaključiti će se notarski obrađen Ugovor o kupoprodaji nekretnine iz člana 1. ove Odluke.

Daje se saglasnost Gradonačelniku ili drugom licu koje ovlasti Gradonačelnik da, u ime Grada Lukavac, zaključi ugovor o prodaji nekretnine iz člana 1. ove Odluke.

Troškove izrade i notarske obrade ugovora o kupoprodaji nekretnine, poreza na promet nekretnine, takse za uknjižbu i sve ostale troškove koji se odnose na postupak kupoprodaje snosi kupac.

Član 3.

Za realizaciju ove Odluke zadužuju se Stručna služba Gradonačelnika, Služba za urbanizaciju, imovinske i geodetske poslove i Služba za budžet i finansije, svaka iz svoje nadležnosti.

Član 4.

Odluka stupa na snagu danom objave u „Službenom glasniku Grada Lukavac“.

PREDSJEDAVAJUĆI
GRADSKOG VIJEĆA

Suad Salibašić, dipl.ecc.s.r.



Broj: 01-27-641/23
Lukavac, 02.03.2023. godine

Na osnovu člana 14. stav 4. Zakona eksproprijaciji ("Službene novine FBiH", broj: 70/07, 36/10, 25/12, 8/15 i 34/16), a u vezi sa članom 200. Zakona o upravnom postupku („Službene novine FBiH“, broj: 2/98 i 48/99) i člana 32. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), Gradsko vijeće na 12. redovnoj sjednici održanoj dana 28.02.2023. godine, donijelo je

R J E Š E N J E

I. Utvrđuje se da je od Javnog interesa izvođenje radova na dogradnji, nadogradnji i rekonstrukciji (proširenju) postojećeg puta označenog po novom premjeru kao dio k.č.br. 744/8, dio 732/2, dio 733/2, dio 744/7, dio 744/5, dio 744/6, dio 743/2 i 733/3 sve k.o. Kruševica, na dionici zaseok Barice - Podosoje koja spaja dva javna nekategorisana puta u naselju Kruševica i da se u tu svrhu može pristupiti potpunoj eksproprijaciji nekretnina označenih kao:

- dio k.č.br. 744/8 zvana „Barica“ Oranica/Njiva 5. klase, u površini od 500 m², upisane u pl.br. 897 k.o. Kruševica, u posjedu Musić (Iljaza) Muhamed iz Kruševice sa dijelom 1/1 (po novom premjer), a što po starom premjeru odgovara parceli označenoj kao dio k.č.br. 303/17 zvana „Barica“ Oranica u površini od 500 m² upisane u zk.ul.br. 421 k.o. Kruševica, u vlasništvu Musić (Iljaza) Muhameda sa dijelom 1/1, a površina planirana za eksproprijaciju je cca 126 m²;

- dio k.č.br. 732/2 zvana „Put“ Prilazni put u površini od 225 m², upisane u pl.br. 370 k.o. Kruševica, u suposjedu Musić (Mursela) Mina rođ. Sadiković iz Dobošnice sa dijelom 2/12, Plavšić (Fatime) Mirsad iz Gnojnice sa dijelom 1/12, Plavšić (Fatime) Suada iz Gnojnice sa dijelom 1/12, Sadiković (Mursela) Mehmedalija iz Kruševice sa dijelom 2/12, Sadiković (Mursela) Zuhdija iz Kruševice bb sa dijelom od 2/12, Softić (Mursela) Hava rođ. Sadiković iz Gnojnice sa dijelom 2/12, Vehabović (Mursela) Jasmina rođ. Sadiković iz Gnojnice, Zasjeke bb, sa dijelom od 2/12 (po novom premjeru), a što po starom premjeru odgovara parceli označenoj kao k.č.br. 298/5 zvana „Podosoje“ Put u površini od 180 m² upisana u zk.ul.br. 165 k.o. Kruševica, u suvlasništvu Džambić (Zule) rođ. Sakić sa dijelom od 1/5 i drugih do rednog broja 4, a površina planirana za eksproprijaciju je cca 25 m²;

- dio k.č.br. 744/7 zvana „Barica“ Oranica/Njiva 5. klase u površini od 2.831 m² upisane u pl.br. 281 k.o. Kruševica, u suposjedu Huskić (Huse) Hašima rođ. Huseinović iz Dobošnice 203, sa dijelom 1/2, Kovačević (Briše) Safeta iz Dobošnice 162 sa dijelom od 1/2 (po novom premjeru), a što po starom premjeru odgovara parceli označenoj kao dio k.č.br. 303/16 zvana „Barica“ Oranica u površini od 2.831 m² upisana u zk.ul.br. 417 k.o. Kruševica, u suvlasništvu Hankić (Aćif) mlđ. Aćifa sa dijelom od 1/3 i drugih do rednog broja 11, a površina planirana za eksproprijaciju je cca 100 m² ;

- dio k.č.br. 733/2 zvana „Podosoje“ Prilazni put u površini od 181 m² upisana u pl.br. 1075 k.o. Kruševica, u suposjedu Kovačević (Mehmedalije) Safira iz Kruševica sa dijelom 1/2, Kovačević (Mehmedalije) Samida iz Kruševice sa dijelom 1/2 (po novom premjeru), a što po starom premjeru odgovara parceli označenoj kao dio k.č.br. 298/10 zvana „Podosoje“ Put u površini od 691 m² upisane u zk.ul.br. 165 k.o. Kruševica, u suvlasništvu Džambić (Zule) rođ. Sakić sa dijelom od 1/5 i drugih do rednog broja 4, a površina planirana za eksproprijaciju je cca 136 m²;

- dio k.č.br. 744/5 i dio k.č.br. 744/6 obje zvane „Barica“ Oranica/Njiva 5. klase u površini od 523 m² i 569 m² upisane u pl.br. 834 k.o. Kruševica, u posjedu Ibrakić (Redže) Fikret sa dijelom 1/1 (po novom premjeru), a što po starom premjeru odgovara parcelama označenim kao dio k.č.br. 303/14 i dio k.č.br. 303/15 obje zvane „Barica“ Oranica u površini od 523 m² i 569 m² upisane u zk.ul.br. 419 k.o. Kruševica, u vlasništvu Ibrakić (Redže) Fikreta sa dijelom 1/1, a površina planirana za eksproprijaciju je: za k.č.br.744/5 je cca 19 m², a za k.č.br. 744/6 je cca 32 m²;

- k.č.br. 733/3 i dio k.č.br. 743/2 obje zvane „Podosoje“ Prilazni put, u površini od 69 m² i 441 m² upisane u pl.br. 1075 k.o. Kruševica, u suposjedu Kovačević (Mehmedalije) Safira iz Kruševice sa dijelom 1/2 i Kovačević (Mehmedalije) Samida iz Kruševice sa dijelom 1/2 (po novom premjeru), a

što po starom premjeru odgovara parceli označenoj kao dio k.č.br. 298/10 zvana „Podosoje“ Put u površini od 691 m² upisane u zk.ul.br. 165 k.o Kruševica, u suvlasništvu Džambić (Zule) rođ. Sakić sa dijelom od 1/5 i drugih do rednog broja 4, a površina planirana za eksproprijaciju je: za k.č.br.733/3 je cca 55 m², a za k.č.br. 743/2 je cca 325 m²;

II. Određuje se da je Grad Lukavac korisnik eksproprijacije.

III. Nadležni organ uprave nakon utvrđivanja Javnog interesa može provesti postupak potpune eksproprijacije nekretnina navedenih u tački I. ovog rješenja.

Obrazloženje

Službi za urbanizaciju, imovinske i geodetske poslove Grada Lukavac, obratilo se Gradsko pravobranilaštvo Lukavac sa Prijedlogom za donošenjem Odluke o utvrđivanju Općeg interesa broj: Up-7/23 od 24.02.2023. godine, u svrhu izvođenja radova na dogradnji, nadogradnji i rekonstrukciji (proširenju) postojećeg puta označenog po novom premjeru kao dio k.č.br. 744/8, dio 732/2, dio 733/2, dio 744/7, dio 744/5, dio 744/6, dio 743/2 i 733/3 sve k.o. Kruševica dionica zaseok Barice - Podosoje koja spaja dva javna nekategorisana puta u naselju Kruševica, na dijelu nekretnina opisanih u tački I. dispozitiva ovog rješenja.

U okviru obrazloženja podnesenog prijedloga je navedeno da je Služba za investicije i razvoj Grada Lukavac, Gradskom pravobranilaštvu dostavila akt broj: 06-45-64-17/23 od 20.02.2023. godine, kojim traži pokretanje postupka o utvrđivanju javnog interesa u svrhu izvođenja radova na dogradnji, nadogradnji i rekonstrukciji (proširenju) postojećeg puta po novom premjeru kao dio k.č.br. 744/8, dio 732/2, dio 733/2, dio 744/7, dio 744/5, dio 744/6, dio 743/2 i 733/3 sve k.o. Kruševica dionice zaseok Barice - Podosoje koja spaja dva javna nekategorisana puta u naselju Kruševica, obzirom da je korisnik eksproprijacije Grad Lukavac, a koju po zakonu zastupa Gradsko pravobranilaštvo.

Uz prijedlog za utvrđivanje javnog interesa dostavljena je slijedeća dokumentacija:

- Zahtjev broj: 06-45-64-17/23 od 20.02.2023. godine, izdat o strane Službe za investicije i razvoj Grada Lukavac;
- Elaborat eksproprijacije urađen od strane „Geopoint“ d.o.o. Živinice od 24.02.2023. godine;
- Dopis br:07-11-U-23/22/23 od 10.02.2023. godine, Službe za budžet i finansije Grada Lukavac o planiranim finansijskim sredstvima za eksproprijaciju;
- Posjedovni list broj: 897, 370, 1075, 834 i 281 sve k.o. Kruševica od 23.02.2023. godine, izdat od strane Službe za urbanizaciju, imovinske i geodetske poslove Grada Lukavac;
- Kopija katastarskog plana k.o. Kruševica od 24.02.2023. godine, izdat od strane Službe za urbanizaciju, imovinske i geodetske poslove Grada Lukavac;
- Zemljišnoknjižni izvaci zk.ul.br. 421, 165, 417 i 419 svi k.o. Kruševica od 24.02.2023. godine, izdat od strane Zemljišnoknjižnog ureda Općinskog suda u Lukavcu;
- Procijenjena vrijednost nepokretnosti br:01-11-186-55/23 od 24.02.2023. godine, izdata od strane Komisije za procjenu vrijednosti nepokretnosti i prava Grada Lukavac;

U okviru dostavljenog Elaborata urađenog od strane „Geopoint“ d.o.o. Živinice od 24.02.2023. godine, o potpunoj eksproprijaciji nekretnina, a za uređenje, dogradnju i rekonstrukciju (proširenje) postojećeg puta na dionici zaseok Barice - Podosoje koja spaja dva nekategorisana javna puta u naselju Kruševica, da je cilj i svrha potpune eksproprijacije predmetnih čestica spajanje dva nekategorisana javna puta označena kao k.č.br.1226 i k.č.br. 741/2 k.o.Kruševica, preko predmetnih čestica kako bi se obezbijedio nesmetan prilaz svim susjednim parcelama i objektima na istim, s ciljem poboljšanja kvalitete života;

Odredbom člana 3. Zakona o eksproprijaciji FBiH, propisano je:

„Nekretnina se može ekspropisati kada je to potrebno za izgradnju saobraćajne infrastrukture, privrednih, komunalnih, zdravstvenih, prosvjetnih i objekata kulture, objekata odbrane, uprave i drugih objekata od javnog interesa kada se ocijeni da će se korištenjem nekretnine, za koju se namjerava predložiti eksproprijacija u novoj namjeni postići veća korist od one koja se postizala korištenjem te nekretnine na dosadašnji način.

Nekretnina se može ekspropisati i kada je potrebno radi izvođenja drugih radova od javnog interesa.

Zemljište se ne može ekspropisati u cilju poljoprivredne obrade.“

Odredbom člana 14. stav 4. Zakona o eksproprijaciji FBiH propisano je da Odluku o utvrđivanju javnog interesa za izgradnju objekata ili izvođenja radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

Odredbom člana 16. Zakona o eksproprijaciji FBiH, propisano je:

„Prijedlog za utvrđivanje javnog interesa za eksproprijaciju podnosi lice koje prema odredbama ovog Zakona može biti korisnik eksproprijacije.

Prijedlog za utvrđivanje javnog interesa podnosi se Vladi, odnosno vladi kantona ili općinskom vijeću putem federalnog, kantonalnog organa uprave ili općinske službe za upravu za imovinsko-pravne poslove, a sadrži elaborat eksproprijacije (geodetsko-katastarski plan područja eksproprijacije, podatke o nekretninama za koje se predlaže utvrđivanje javnog interesa, procjenu vrijednosti nekretnina, cilju eksproprijacije i druge podatke za utvrđivanje javnog interesa).

Nadležni organ je dužan o prijedlogu za utvrđivanje javnog interesa odlučiti u roku od 60 dana od dana prijema tog prijedloga.

Aktom o utvrđivanju javnog interesa, u skladu sa odredbama ovog člana, odredit će se i korisnik eksproprijacije.

Protiv akta o utvrđivanju javnog interesa može se pokrenuti upravni spor kod nadležnog suda osim u slučajevima iz člana 15. ovog Zakona.“

Pouka o pravnom lijeku:

Protiv ovog rješenja može se pokrenuti upravni spor podnošenjem tužbe Kantonalnom sudu u Tuzli, u roku od 30 dana nakon prijema istog. Tužba se podnosi neposredno sudu.

PREDSJEDAVAJUĆI
GRADSKOG VIJEĆA

Suad Salibašić, dipl.ecc.s.r.



Broj: 01-02-790/21-6
Lukavac, 02.03.2023.godine

Na osnovu člana 10. stav 3. Zakona o porezu na promet nepokretnosti i prava („Sl. novine TK“, broj: 11/01, 13/01, 13/03, 3/13, 12/16, 11/18 i 13/19), člana 105. Statuta općine Lukavac („Službeni glasnik općine Lukavac“, broj 5/08 i 1/14), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj 1/22), na prijedlog Komisije za izbor, imenovanje i administrativna pitanja, Gradsko vijeće Lukavac na 12. redovnoj sjednici održanoj dana 28.02.2023.godine, donijelo je

RJEŠENJE

o razrješenju članova Komisije za procjenu vrijednosti nepokretnosti i prava

I

Razrješavaju se dužnosti predsjednik i članovi Komisije za procjenu vrijednosti nepokretnosti i prava, imenovani Rješenjem broj: 01-02-790/21 od 04.03.2021.godine, broj: 01-02-790/21-1 od 01.11.2021.godine, broj: 01-02-790/21-2 od 27.01.2022.godine, broj: 01-02-790/21-3 od 19.04.2022.godine, broj: 01-02-790/21-4 od 02.06.2022.godine i broj: 01-02-790/21-5 od 30.12.2022.godine, kako slijedi:

- | | |
|------------------------------|-----------------------------|
| 1. Hodžić Lejla, predsjednik | 12. Kambić Ibrahim, član |
| 2. Husarić Edina, član | 13. Mahovkić Zehrudin, član |
| 3. Đaković Kristina, član | 14. Kadrić Alma, član |
| 4. Hodžić Jasminko, član | 15. Đuzić Anisa, član |
| 5. Kuduzović Semir, član | 16. Mujkić Edina, član |
| 6. Husić Elvir, član | 17. Omić Mehmed, član |
| 7. Dautović Nedžad, član | 18. Bajrić Suad, član |
| 8. Čosić Nedžad, član | 19. Sadiković Zuhdija, član |
| 9. Štalić Enver, član | 20. Jusufović Nermina, član |
| 10. Lukavačkić Mirsad, član | 21. Kuduzović Nedim, član |
| 11. Sinanović Sadik, član | |

Dužnosti se razrješava i sekretar Komisije za procjenu vrijednosti nepokretnosti i prava, Žigić Zlatan.

II

Ovo rješenje stupa na snagu danom donošenja, a objavit će se u "Službenom glasniku Grada Lukavac".

PREDSJEDAVAJUĆI
GRADSKOG VIJEĆA
Suad Salibašić, dipl.ecc.s.r.



Broj: 01-02-711/23
Lukavac, 03.03.2023.godine

Na osnovu člana 10. stav 3. Zakona o porezu na promet nepokretnosti i prava („Sl. novine TK“, broj 11/01, 13/01, 13/03, 3/13, 12/16, 11/18 i 13/19), člana 105. Statuta općine Lukavac („Službeni glasnik općine Lukavac“, broj 5/08 i 1/14), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj 1/22) i Zaključka Komisije za izbor, imenovanja i administrativna pitanja, broj: 01-45-7-18/23-3 od 22.02.2023.godine, Gradsko vijeće Lukavac na 12. redovnoj sjednici održanoj dana 28.02.2023.godine, donosi

RJEŠENJE

o imenovanju članova Komisije za procjenu vrijednosti nepokretnosti i prava

I

Za predsjednika i članove Komisije za procjenu vrijednosti nepokretnosti i prava, imenuju se:

- | | |
|------------------------------|-----------------------------|
| 1. Hodžić Lejla, predsjednik | 12. Kambić Ibrahim, član |
| 2. Husarić Edina, član | 13. Mahovkić Zehrudin, član |
| 3. Đaković Kristina, član | 14. Kadrić Alma, član |
| 4. Hodžić Jasminko, član | 15. Mehinović Emir, član |
| 5. Kuduzović Semir, član | 16. Omić Mehmed, član |
| 6. Husić Elvir, član | 17. Bajrić Suad, član |
| 7. Dautović Nedžad, član | 18. Sadiković Zuhdija, član |
| 8. Ćosić Nedžad, član | 19. Jusufović Nermina, član |
| 9. Štalić Enver, član | 20. Đuzić Anisa, član |
| 10. Lukavačkić Mirsad, član | 21. Kuduzović Nedim, član |
| 11. Sinanović Sadik, član | |

Za sekretara Komisije za procjenu vrijednosti nepokretnosti i prava, imenuje se Žigić Zlatan.

II

Mandat članova Komisije traje 2 (dvije) godine od dana imenovanja.

Članovi Komisije i sekretar za svoj rad imaju pravo na naknadu u skladu sa Odlukom broj: 02-02-2618/03 od 14.05.2003.godine i broj: 02-02-1-11920/19 od 23.10.2019.godine.

III

Ovo rješenje proizvodi pravno dejstvo danom donošenja, a objavit će se u "Službenom glasniku Grada Lukavac".

PREDSJEDAVAJUĆI
GRADSKOG VIJEĆA
Suad Salibašić, dipl.ecc. s.r.



Broj: 01-02-788/21-2
Lukavac, 02.03.2023.godine

Na osnovu člana 32. Statuta općine Lukavac („Službeni glasnik općine Lukavac“ broj 5/08 i 1/14), člana 25. i 26. Poslovnika o radu Općinskog vijeća Lukavac (»Službeni glasnik općine Lukavac“, broj 5/06, 2/09 i 5/09), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj 1/22), Gradsko vijeće Lukavac na 12. redovnoj sjednici održanoj dana 28.02.2023.godine, donijelo je

R J E Š E N J E

o razrješenju i imenovanju članova Savjeta za bezbjednost saobraćaja

I

Nenad Bošnjak se razrješava dužnosti člana Savjeta za bezbjednost saobraćaja, a za novog člana istog imenuju se Nedim Ibrčić.

II

Mandat imenovanog člana Savjeta za bezbjednost saobraćaja vezan je mandatom saziva Gradskog vijeća.

III

Rješenje proizvodi pravno dejstvo danom objave u “Službenom glasniku općine Lukavac”.

**PREDSJEDAVAJUĆI
GRADSKOG VIJEĆA**

Suad Salibašić, dipl.ecc.s.r.



Broj: 01-02-234/21-4
Lukavac, 02.03.2023.godine

Na osnovu člana 32. Statuta općine Lukavac („Službeni glasnik općine Lukavac“ broj 5/08 i 1/14), člana 25. i 26. Poslovnika o radu Općinskog vijeća Lukavac („Službeni glasnik općine Lukavac“, broj 5/06, 2/09 i 5/09), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj 1/22), Gradsko vijeće Lukavac na 12. redovnoj sjednici održanoj dana 28.02.2023.godine, donijelo je

RJEŠENJE

o razrješenju i imenovanju člana Komisije za jednakopravnost spolova

I

Eldina Hankić se razrješava dužnosti člana (predsjednika) Komisije za jednakopravnost spolova, a za novog člana (predsjednika) iste imenuje se Vesna Moranjković.

II

Mandat imenovanog člana Komisije za jednakopravnost spolova vezan je mandatom saziva Gradskog vijeća.

III

Rješenje proizvodi pravno dejstvo danom objave u “Službenom glasniku Grada Lukavac”.

PREDSJEDAVAJUĆI
GRADSKOG VIJEĆA

Suad Salibašić, dipl.ecc.s.r.



Broj:01-02-810-2/23
Lukavac, 02.03.2023. godine

Gradsko vijeće Lukavac, na 12. redovnoj sjednici Gradskog vijeća održanoj dana 28.02.2023.godine, je razmatralo zahtjev za davanje saglasnosti na Prijedlog Odluke o isplati sredstava sa tekuće rezerve Gradonačelnika, te je u skladu sa članom 105. Statuta općine Lukavac („Službeni glasnik općine Lukavac“ broj 5/08 i 1/14) i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“, broj: 5/06, 2/09 i 5/09), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj 1/22), usvojilo slijedeći

ZAKLJUČAK

Gradsko vijeće, u vezi sa zahtjevom Gradonačelnika broj:02-11-668-1/23 od 20.02.2023. godine, daje saglasnosti na Prijedlog Odluke o isplati sredstava sa tekuće rezerve Gradonačelnika, a koja se odnosi na isplatu pomoći Republici Turskoj i Sirijskoj Arapskoj republici za ublažavanje posljedica zemljotresa.

**PREDSJEDAVAJUĆI
GRADSKOG VIJEĆA**

Suad Salibašić dipl.ecc.s.r.



Broj: 02-02-3842-1/19
Datum, 03.02.2023. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službeni glasnik FBiH“, broj: 49/06), člana 9. Statutarne odluke o organizaciji Grada Lukavac u skladu sa Zakonom o Gradu Lukavac („Službeni glasnik Grada Lukavac“, broj: 1/22) i člana 5. Odluke o formiranju Stručnog kolegija Općinskog načelnika („Službeni glasnik općine Lukavac“, broj: 8/1 7), Gradonačelnik, donosi:

ODLUKU
o dopunama Poslovnika o radu
Stručnog Kolegija Općinskog načelnika

Član 1.

U Poslovniku o radu Stručnog kolegija Općinskog načelnika („Službeni glasnik općine Lukavac“, broj: 8/17 i 9/17) (u daljem tekstu Poslovnik) u članu 8. dodaje se novi stav 4. koji glasi:
„Gradonačelnik može donijeti odluku da se sjednice i sastanci Kolegija, kao i drugi važniji sastanci na kojima prisustvuju članovi Kolegija po funkciji tonski snimaju, s cijem bolje pripreme i stručne obrade zapisnika o održanim sjednicama/sastancima. Tonski zapis sa sjednica/sastanaka se čuva u Stručnoj službi Gradonačelnika do verifikacije zapisnika sa održane sjednice ili sastanka.“

Član 2.

U ostalom dijelu Poslovnik ostaje neizmjenjen.

Član 3.

Izmjene Poslovnika stupaju na snagu danom donošenja a objavit će se Službenom glasniku Grada Lukavac.

Gradonačelnik
Dr.sci. Edin Delić s.r.



Broj: 02-11-509/23
Lukavac, 09.02.2023. godine

Na osnovu člana 9. Statutarne odluke o organizaciji Grada Lukavac u skladu sa Zakonom o Gradu Lukavac („Sluzbeni glasnik Grada Lukavac“, broj: 1/22), Budzeta Grada Lukavac za 2023. godinu sa Okvirnim planom za 2024. i 2025. godinu („Sluzbeni glasnik Grada Lukavac“, broj: 2/22), a u vezi sa članom 29. Odluke o izvršenju Budzeta Grada Lukavac („Sluzbeni glasnik Grada Lukavac“, broj: 2/23), Gradonačelnik donosi:

ODLUKU

o isplati sredstava sa tekuće rezerve

Član 1.

Odobrava se izdvajanje novčanih sredstava iz Budzeta Grada Lukavac za 2023. godinu, potrosacka jedinica 03, ekonomski kod 617111 - Tekuća rezerva u iznosu od 15.000,00 KM (petnaest hiljadak konvertibilnih maraka).

Član 2.

Sredstva iz člana 1. ove Odluke izdvajaju se na ime podrške i pomoći Republici Turskoj u saniranju šteta i posljedica razornih zemljotresa.

Član 3.

Odobrena sredstva će se isplatiti u skladu sa rnoqucnostirna i planom ostvarenja Budzeta za 2023. godinu na račun TURKIYE AFAD DEPREM YARDIM HESABI broj: KM IBAN BA391860430310894363 (Uprava za katastrofe i hitne slucajeve AFAD Republike Turske).

Za realizaciju ove Odluke zaduzuje se Sluzba za budzet i finansije.

Član 4.

Ova Odluka stupa na snagu danom donošenja i ista će se objaviti u Službenom glasniku Grada Lukavac.

GRADONAČELNIK
dr. sc. Edin Delić s.r.



Broj: 02-11-668/23
Lukavac, 02.03.2023. godine

Na osnovu člana 9. Statutarne odluke o organizaciji Grada Lukavac u skladu sa Zakonom o Gradu Lukavac („Službeni glasnik Grada Lukavac“, broj: 1/22), Budžeta Grada Lukavac za 2023. godinu sa Okvirnim planom za 2024. i 2025. godinu („Službeni glasnik Grada Lukavac“, broj: 2/22), a u vezi sa članom 29. Odluke o izvršenju Budžeta Grad Lukavac („Službeni glasnik Grada Lukavac“, broj: 2/23), Gradonačelnik donosi:

ODLUKU

o isplati sredstava sa tekuće rezerve

Član 1.

Odobrava se izdvajanje novčanih sredstava iz Budžeta Grada Lukavac za 2023. godinu, potrošačka jedinica 03, ekonomski kod 617111 – Tekuća rezerva u iznosu od 30.000,00 KM (tridesethiljadakonvertibilnihmaraka).

Član 2.

Sredstva iz člana 1. ove Odluke izdvajaju se na ime podrške i pomoći Republici Turskoj i Sirijskoj Arapskoj Republici u saniranju šteta i posljedica razornih zemljotresa.

Član 3.

Odobrena sredstva će se isplatiti u skladu sa mogućnostima i planom ostvarenja Budžeta za 2023. godinu na račun Udruženja „Pomozi.ba“ Sarajevo broj: 338-730-22202506-52 otvoren kod Uni Credit Bank na ime pomoći Republici Turskoj i Sirijskoj Arapskoj Republici u jednakim iznosima od po 15.000,00 KM.

Za realizaciju ove Odluke zadužuje se Služba za budžet i finansije.

Član 4.

Iznos sredstava iz člana 1. ove Odluke na poziciji „Tekuća rezerva“ u okviru potrošačke jedinice 03, ekonomski kod 617111 će se nadomjestiti putem unutrašnje preraspodjele u skladu sa članom 16. Odluke o izvršenju Budžeta Grada Lukavac („Službeni glasnik Grada Lukavac“, broj: 2/23).

Član 5.

Obavezuje se Udruženje „Pomozi.ba“ Sarajevo da Gradonačelniku dostavi pisani izvještaj sa odgovarajućom finansijskom dokumentacijom o namjenskom utrošku sredstava iz člana 1. ove Odluke.

Član 6.

Ova Odluka stupa na snagu danom donošenja i ista će se objaviti u Službenom glasniku Grada Lukavac.

GRADONAČELNIK
dr. sc. Edin Delić



Broj: 02-02-811/23

Datum: 02.03.2023.godine

Na osnovu člana člana 15. stav (1) alineja (2) a u vezi sa članom 31. stav (1) i stav (2) Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 77., člana 85. stav (1) tačka 2. i člana 109. Statuta Općine Lukavac („Službeni glasnik Općine Lukavac“, broj: 5/08 i 1/14), Budzeta Grada Lukavac za 2023. godinu („Službeni glasnik Grada Lukavac“, broj: 2/23) i Odluke o izvršenju Budzeta Grada Lukavac za 2023. godinu („Službeni glasnik Grada Lukavac“, broj: 2/23) Gradonačelnik Grada Lukavac, d o n o s i:

ODLUKU

o načinu i kriterijima raspodjele sredstava za finansiranje mjesnih zajednica sa područja Grada Lukavac

Član 1.

Ovom odlukom se utvrđuju načini i kriteriji raspodjele sredstava za finansiranje mjesnih zajednica iz sredstava planiranih budžetom Grada Lukavac

Član 2.

Gradonačelnik putem Sluzbe za društvene djelatnosti i upravu (u daljem tekstu: Sluzba) obezbjeđuje finansiranje redovnih djelatnosti organa mjesnih zajednica kao učešće u finansiranju dijela poslova predviđenih programom rada mjesnih zajednica.

Član 3.

U finansiranju programskih aktivnosti mjesne zajednice, osim sredstava planiranih Budžetom Grada, osiguravaju i druge prihode za obavljanje svojih poslova, kako slijedi:

- putem lokalnog samodoprinosa;
- prihodom od radnji i preduzeća koje u skladu sa zakonom osniva mjesna zajednica;
- naknadama za usluge koje obavlja mjesna zajednica;
- od poklona, donacija i drugih sredstava koje, u skladu sa zakonom i drugim propisima, ostvari mjesna zajednica.

Član 4.

Kriteriji za finansiranje rada organa mjesnih zajednica je broj stanovnika u mjesnoj zajednici registrovanih u CIPS bazi, u decembru prethodne budžetske godine.

Član 5.

Na osnovu evidentiranog broja stanovnika, mjesene zajednice se raspoređuju u šest grupa:

- u prvu grupu spadaju mjesne zajednice do 400 stanovnika
- u drugu grupu spadaju mjesne zajednice od 401 do 700 stanovnika
- u treću grupu spadaju mjesne zajednice od 701 do 1000 stanovnika
- u četvrtu grupu spadaju mjesne zajednice od 1001 do 1400 stanovnika
- u petu grupu spadaju mjesne zajednice od 1400 do 4000 stanovnika
- u šestu grupu spadaju mjesne zajednice preko 4000 stanovnika

Član 6.

Obaveze koje preuzimaju mjesne zajednice, regulisane su Statutom Grada Lukavac i Statutom mjesne zajednice uz mogućnost dodatnog prenošenja dijela obaveza iz nadležnosti Grada na mjesne zajednice.

Član 7.

Pravo na ostvarivanje sredstava planiranih budžetom Grada imaju mjesne zajednice sa područja Grada Lukavac:

- koje su u skladu sa Statutom Grada osnovane od strane Gradskog vijeća;
- koje su dostavile izvještaje o radu za prethodnu godinu;
- koje su dostavile programe rada sa finansijskim planom za tekuću godinu.

Član 8.

Finansiranje mjesnih zajednica vršiti će se na osnovu podnesenog zahtjeva, od strane ovlaštenog lica, koji treba da sadrži:

- akt o registraciji mjesne zajednice;
- izvještaj o namjenskom utrošku prethodno dodijeljenih sredstava iz budžeta Grada – usvojen od strane ovlaštenog organa (završni izvještaj);
- program rada sa finansijskim planom za tekuću godinu - usvojenim od ovlaštenog organa mjesne zajednice;

Mjesne zajednice su dužne voditi finansijsko knjigovodstvo i izvještavanje o finansijskom poslovanju putem knjigovodstvenog servisa.

Grad Lukavac će u skladu sa utvrđenim kriterijima i uslovima iz ove odluke utvrditi Program raspodjele sredstava za finansiranje mjesnih zajednica u tekućoj fiskalnoj godini, a sredstva odobravati u skladu sa Programom putem pojedinačnih odluka, uz saglasnost Gradonačelnika, zavisno od raspoloživih sredstava.

Član 9.

Nakon podnesenog zahtjeva sa urednom dokumentacijom Gradonačelnik će, putem Sluzbe, sa svakom mjesnom zajednicom zaključiti ugovor - kojim će biti precizirani svi neophodni elementi za regulisanje međusobnih prava i obaveza.

Član 10.

Gradonačelnik je ovlašten da obustavi dodjelu sredstava u slučaju da organi mjesne zajednice:

- nezakonito rade i donose odluke koje nisu u skladu sa važećim propisima,
- ne troše sredstva u skladu sa namjenom i zakonskim propisima,
- ne izvršavaju obaveze koje su im delegirane,
- ne provode odluke, rješenja i zaključke Gradskog vijeća, Gradonačelnika i Gradskih službi,
- ne rade i ne održavaju obavezne sastanke,
- ne dostavljaju Sluzbi izvještaje sa kopijom dokumentacije, godišnje izvještaje o radu i finansijske izvještaje usvojene od ovlaštenih organa mjesne zajednice,
- bez opravdanja ne prisustvuju pozivanim javnim raspravama, sastancima, edukacijama.

Član 11.

Ukoliko mjesna zajednica ne podnese izvještaj o utrošku dodijeljenih finansijskih sredstava iz budžeta Grada do kraja godine a najduže do 15.01. tekuće godine, neće joj biti dodijeljena sredstva za narednu godinu.

Član 12.

Ova odluka stupa na snagu danom objavljivanja u „Službenom glasniku Grada Lukavca“.

GRADONAČELNIK
dr.sc. Edin Delić s.r.



Broj:02-02-812/23

Datum: 02.03.2023. god.

Na osnovu člana člana 15. stav (1) alineja (2) Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 109. Statuta Općine Lukavac („Službeni glasnik Općine Lukavac“, broj: 5/08 i 1/14), Budžeta Grada Lukavac za 2023. godinu („Sluzbeni glasnik Grada Lukavac“, broj: 2/23) i Odluke o izvršenju Budžeta Grada Lukavac za 2023. godinu („Sluzbeni glasnik Grada Lukavac“, broj: 2/23) , Gradonačelnik Grada Lukavac, donosi:

O D L U K U

o utvrđivanju uslova, kriterija i postupka za raspodjelu sredstava sa potrošačke jedinice - Pomoć vjerskim zajednicama

Član 1.

Ovom odlukom utvrđuju se uslovi, kriteriji i postupak za raspodjelu planiranih sredstava u Budžetu Grada Lukavac za 2023. godinu - sredstava sa potrošačke jedinice „Pomoć vjerskim zajednicama“.

Član 2.

Raspodjela sredstava za sufinansiranje programa pomoći vjerskim zajednicama, vršit će se u skladu sa raspoloživim sredstvima predviđenim Budžetom Grada Lukavac za 2023. godinu i Odlukom o izvršenju Budžeta Grada Lukavac za 2023. godinu („Sluzbeni glasnik Grada Lukavac“, broj: 2/23).

Pravo na dodjelu sredstava iz Budžeta Grada imaju vjerske zajednice čiji se vjerski objekti nalaze na području Grada Lukavac.

Izuzetno, pravo na dodjelu sredstava imaju vjerske zajednice koje nemaju vjerski objekat na području Grada, ukoliko je dostavljeni projekat od interesa za Grad.

Čkan 3.

Iz sredstava planiranih u Budžetu Grada Lukavac za ove namjene sufinansirat će se programi vjerskih zajednica koji:

1. se realizuju na području Grada Lukavac,
2. imaju za cilj obilježavanje i čuvanje tradicije vjerskih zajednica,
3. imaju za cilj zaštitu i čuvanje kulturne baštine naroda u BiH i promociju njihovih kulturnih vrijednosti,
4. imaju za cilj zaštitu vjerskih objekata, odgojno-obrazovnu djelatnost, zdravstvenu i socijalnu zaštitu, kreativnu ili izdavačku djelatnost,
5. programi drugog karaktera koji su od interesa za Grad Lukavac,

Član 4.

Podnosilac zahtjeva za sufinansiranje programa pomoći vjerskim zajednicama koji ispunjava kriterije iz tačke III. ove odluke, uz zahtjev obavezan je dostaviti:

1. program koji sadrži detaljni opis aktivnosti, strukturu finansiranja, uključujući i iznos sredstava koji je osiguran iz drugih izvora uz obavezno priložen odgovarajući dokaz o osiguranju istih, te očekivane rezultate i broj korisnika usluga u realizaciji programa,
2. ovjeren izvještaj o namjenskom utrošku sa računima, ugovorima i drugim dokazima o utrošku sredstava pomoći vjerskim zajednicama, za koju je podnosilac zahtjeva dobio finansijska sredstva od Grada Lukavac u prethodnoj fiskalnoj godini,
3. rješenje o upisu u registar pravnih lica kod nadležnog organa (original ili ovjerena kopija),
4. uvjerenje o poreznoj registraciji, spesimen potpisa (original ili ovjerena kopija)
5. broj vjerskih objekata i pripadnika vjerske zajednice na području Grada Lukavac.

Zahtjev za sufinansiranje programa pomoći vjerskim zajednicama iz stava 1. ove tačke sa odgovarajućom dokumentacijom kako je to navedeno u prethodnim alinejama, podnosioci, odnosno vjerske zajednice mogu podnositi od dana stupanja na snagu ove odluke, a najkasnije u roku od 15 dana od dana objavljivanja ove odluke u Službenom glasniku Grada Lukavac.

Član 5.

Finansijski se neće podržati programi:

- usmjereni na promociju programa političkih stranaka,
- usmjereni na finansiranje plata i drugih izdataka u svrhu koristi zaposlenika u pravnom licu,
- podnosioca zahtjeva koji nisu dostavili izvještaj o namjenskom utrošku sredstava doznačenih u prethodnoj godini Grada Lukavac.

Član 6.

Gradonačelnik će sa predstavnicima vjerskih zajednica zaključiti ugovore kojim će biti precizirani svi neophodni elementi za regulisanje međusobnih prava i obaveza - u skladu sa ovom odlukom i Programom raspodjele sredstava pomoći vjerskim zajednicama-

Grad Lukavac će u skladu sa utvrđenim kriterijima i uslovima iz ove odluke utvrditi Program raspodjele sredstava pomoći vjerskim zajednicama u tekućoj fiskalnoj godini, a sredstva odobravati u skladu sa Programom putem pojedinačnih odluka, uz saglasnost Gradonačelnika, zavisno od raspoloživih sredstava.

Član 7.

Ova Odluka stupa na snagu narednog dana po objavi u "Službenom glasniku Grada Lukavac".

GRADONAČELNIK
dr.sc. Edin Delić s.r.



Broj: 02-30-48/23
Lukavac, 20.02.2023. godine

Na osnovu člana 9. 27. i 31. Zakona o državnoj službi u Tuzlanskom kantonu („Službene novine Tuzlanskog kantona“ broj: 7/17, 10/17, 10/18, 14/18, 8/21, 10/22 i 14/22) i člana 33. Pravilnika o unutrašnjoj organizaciji Jedinственог градског органа управе Града Lukavac („Službeni glasnik grada Lukavac“, broj: 2/22 i 7/22), Gradonačelnik, d o n o s i

R J E Š E N J E
o imenovanju savjetnika Gradonačelnika Grada Lukavac

1. Za savjetnika gradonačelnika, za oblast „Razvojni projekti i međunarodna saradnja“ imenuje se Biljana Smajić sa 21.02.2023. godine, a najduže do isteka mandata gradonačelnika.
2. Koeficijent za obračun plaće imenovane utvrdit će se posebnim rješenjem.
3. Ovo rješenje stupa na snagu danom donošenja i objavit će se u Službenom glasniku grada Lukavac.
4. Protiv ovog rješenja može se podnijeti prigovor koji odlaže izvršenje rješenja.

Образложење

Na osnovu ukazane potrebe za oblast razvojnih projekata i međunarodne saradnje Gradonačelnik grada Lukavac je odlučio da se Samajić Biljana, diplomirani inženjer tehnologije imenuje za savjetnika.

Članom 9. stav 3. Zakona o državnoj službi u Tuzlanskom kantonu („Službene novine Tuzlanskog kantona“ broj: 7/17, 10/17, 10/18, 14/18, 8/21, 10/22 i 14/22) propisano je da lica koja nisu državni službenici ali se njihov radno-pravni status reguliše ovim zakonom su i lica zaposlena kao savjetnici nosioci funkcija a članom 31. propisano je da o pravima i dužnostima savjetnika odlučuje organ koji ih je imenovao, odnosno lice koje taj organ ovlasti.

Članom 33. Pravilnikom o unutrašnjoj organizaciji Jedinственог градског органа управе Града Lukavac („Službeni glasnik grada Lukavac“, broj: 2/22 i 7/22) propisano je da gradonačelnik može imati tri savjetnika iz nadležnosti gradskog organa državne službe, da će se rješenjem o imenovanju odrediti oblast za koju se imenuje i vrijeme na koje se imenuje.

Na osnovu svega navedenog odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja može se izjaviti prigovor gradonačelniku, u roku od 15 dana od dana prijema ovog Rješenja. Prigovor se predaje ovom organu neposredno pismenim putem ili preporučeno poštom.

GRADONAČELNIK
Dr.sci. Edin Delić s.r.



Broj: 02-19-477/21
Lukavac, 23.02.2023. godine

Na osnovu člana 108. stav 3., a u vezi sa članom 109. stav 2. Statuta općine Lukavac prečišćeni tekst („Službeni glasnik općine Lukavac”, broj: 5/08 i 3/14), čl. 27. Statutarne odluke o organizaciji Grada Lukavac u skladu sa Zakonom o Gradu Lukavac („Službeni glasnik Grada Lukavac”, broj: 1/22) i člana 92 Odluke o komunalnom redu („Službeni glasnik općine Lukavac”, broj: 14/21), Gradonačelnik, donosi

Izmjenu i dopunu
Programa utvrđivanja lokacija za zauzimanje javnih površina

član 1.

U Programu utvrđivanja lokacija za zauzimanje javnih površina („Službeni glasnik općine Lukavac”, broj: 3/21, 5/21 i 4/22), član 2. se briše.

Član 2.

Dosadašnji članovi 3., 4., 5., 6., 7., 8., 9., 10., 11., 12., 13. postaju članovi 2., 3., 4., 5., 6., 7., 8., 9., 10., 11., 12.

član 3.

Ovaj program stupa na snagu danom donošenja, a objavit će se u „Službenom glasniku Grada Lukavac”.

Gradonačelnik
Dr. sci. Edin Delić s.r.

**SLUŽBENI GLASNIK GRADA
L U K A V A C**

Broj:4/23

Izdaje :.....Grad Lukavac

Uređuje.....Stručna Služba Gradskog vijeća

Adresa.....Grad Lukavac - Gradsko vijeće

Telefon035/553-253

Fax.....035-366-731

Službeni glasnik izdaje se po potrebi